


**Балаларға арналған Киелі кітап
ұсынады**

**Құдай
Ыбырайымның
сүйіспеншілігін
сынайды**



Мәтінін жазған: Edward Hughes


**Суретін салған: Byron Unger, Lazarus
Alastair Paterson**

Бейімдеген: M. Maillot, Tammy S.

Қазақ тіліне аударған: Raikhan Esimkhankyzy

**Шығарушы: Bible for Children
www.M1914.org**

©2023 Bible for Children, Inc.
Лицензия: сатуға тиым салынған, көшірме жасауға
немесе басып шығаруға рұқсат етілген.



Бір күні түнде Құдай
Ыбырайымға ақылға
сыймайтын бұйрық
берді. Бұл, Ыбырайым
өзінің ұлы Ысқақты
Құдайдан гөрі көбірек
жақсы көре ме, соны


тексеру үшін
берілген
сынақ болатын.

«Өзіңнің ұлын Ысқақты ал да, оны құрбандыққа шал», –деп бұйырды Құдай. Ысқақты ұсыну ма? Өз ұлын құрбандыққа шалу керек пе? Бұл, Ыбырайымға ауыр тиді. Ол өзінің ұлын қатты жақсы көретін.




3

Бірақ Ыбырайым тіпті ештеңе түсінбеген кезде де, Құдайға сенім артуды үйренген еді. Ертеңіне ол құрбандық шалатын тауға Ысқақ пен екі қызметшісін ертіп аттанды.




4

Жолға шығар алдында Ыбырайым құрбандық шалуға қажетті отынды жарып алды. Ыбырайым Құдайға мойынсұнуды ғана жоспарлады.



5

Үш күн өткен соң, олар тауға жақындады. «Осында қалындар, –деді Ыбырайым қызметшілеріне. –Біз барып ғибадат еткен соң сендерге қайтып келеміз». Ысқақ отынды



арқалап алды, ал Ыбырайым шөк салынған ыдыс пен пышақты алып жүрді.


6

«Құрбандыққа шалатын тоқты қайда?» –деп сұрады Ысқақ. «Құдай құрбандыққа шалынатын тоқтыны Өзі береді», –деп жауап берді Ыбырайым.



7

Бұл екеуі нақты Құдай таңдаған орынға келді. Сол жерде Ыбырайым құрбандық орнын салып, Құдай алдында құрбандықты өртеу үшін отынды қаластырды. Ыбырайым көптеген құрбандық орындарын салған. Әлбетте, бұл бұған дейін салынғандарының ішіндегі ең қиыны болды.




8

Ыбырайым Ыскақты байлап, өзінің сүйікті ұлын құрбандық орнына жатқызды. Ыбырайым расымен де Құдайға бағынып, өзінің қымбатты ұлы, өзінің жалғыз ұлы Ыскақты құрбандыққа шалар ма еді?



9

Иә! Ыбырайым жоғары көтерген кезде, пышақтың жүзі жарқ ете қалды. Оның жүрегі қарс айырылардай болған шығар, бірақ Ыбырайым өзінің Құдайға бағынуы керектігін білді.



10

«ТОҚТА!» – деп айғайлады Иеміздің Періштесі. «Мен енді сенің Құдайдан қорқатынынды білем. Сен Менен өзіңнің ұлынды, өзіңнің жалғыз ұлынды аямадың».



11

Бұталар арасындағы қошқарды көрген Ыбырайым Ыскақты босатып, оның орнына қошқарды құрбандыққа шалды. Мүмкін Ысқақ: «Құдай шынымен де әкем айтқандай, құрбандықты Өзі қарастырып қойған екен», – деп ойлаған шығар.



12

Әкесі мен ұлы ғибадат етіп жатқанда, Иеміздің Періштесі Ыбырайыммен сөйлесті. «Сенің үрім-бұтағың арқылы барлық халықтар жарылқанады, өйткені сен мойынсұндың», – деді. Бір кездерде Иса Ыбырайымның ұрпағы арқылы дүниеге келеді.



13

Ыбырайым мен Ысқақ үйге қайтып оралды. Біраз уақыт өткен соң қайғылы жағдай орын алды. Сара қайтыс болды. Ыбырайым өзінің әйелінен, ал Ысқақ өзінің анасынан айырылды.



14

Жерлеу рәсімі аяқталған соң, Ыбырайым өзінің бас қызметшісін Ысқаққа жар тауып әкелуге жұмсады. Қызметші Ыбырайымның туыстарының арасынан қалыңдық іздеп табу үшін оның отанына аттанды.



15

Қызметші Құдайдан белгі беруін сұрады. «Менің түйелеріме су беретін қыз Ысқаққа лайықты қалыңдық болсын». Рабиға оларға су беруді бірден ұсынды. Ол Ыбырайымның туыстарының бірі еді. Қызметші Құдайдың өзінің мінәжатына жауап бергенін білді.



16

Ысқаққа күйеуге тию үшін Рабиға өзінің отбасын тастап кетті. Ол Ысқақтың анасы қайтыс болғаннан кейінгі қайғысын сөйлетті. Ысқақ оны қалай сүйді десеңші!



17

Құдай Ыбырайымның сүйіспеншілігін сынайды

Құдайдың Сөзі –

Киелі кітаптан алынған әңгіме

Жаратылыстың басталуы 22-24

"Мәнісі ашылғанда сөздерің нұрын шашады."
Забур 119:130

18

Киелі Кітаптағы бұл әңгіме бізді жаратқан әрі Оны білгенімізді қалайтын тамаша Құдайымыз жайында баяндайды.

Құдай біздің жаман істер істегенімізді біледі. Ол мұны күнә деп атайды. Күнәнің жазасы - өлім.

Құдай бізді сондай қатты сүйгендіктен, Өзінің жалғыз Ұлын, Исаны айқыш ағашта өліп, біздің құнымызды өтеу үшін жіберді. Иса қайта тіріліп, көкке көтеріліп кетті. Енді Құдай біздің күнәларымызды кешіре алады.

Егер сен күнәларыңнан арылғың келсе, Құдайға былай де: Көктегі Құдай, Исаның мен үшін өліп, қайта тірілгеніне сенемін. Мен енді жаңа өмірге ие болып, кейін Сенімен мәңгі бірге болуым үшін менің өміріме келе гөр, менің күнәларымды кешіре гөр. Сенің балаң болып, Сен үшін өмір сүруіме көмектесе гөр. Амин. Жохан 3:16

Киелі Кітапты күнделікті оқып, Құдаймен тілдес.

20

Соңы

5



60

19